

I

عن ماتروكات بعض باشا

ط

۱۱

ابا حوفه

۲۰۰۰

٤٢-٢



عظم المصطفى
قد وقف هذه الكتب
والتي هي من
محمودا ووقفا
المعتمدين
عنهما



~~Handwritten scribble or signature~~

رساله غزوات

بسم الله الرحمن الرحيم

لحمد لله الذي أمر المؤمنين بالجهاد، كما أمر
الصلوة على محمد وعلى خير العباد، صلى الله عليه
وعلى أصحابه الأجداد، بذلوا نفوسهم لقمه
اهل العناد **اما بعد** بوكتاباني بلدر که
غزاتک و مجاهد فی سبیل الله اولادک
اوزرینه جهادک فرضی و سنتی کیمه
مهدر و نیتی و ادبی نوجمله در و قنعتی

کوند سفره چقیم کر کرد و ایکی عسکر
بر بر یله مقابله اولدقن نینه مشغول اولد
و اعدا اوزرینه نجه اقدام و هجوم اولور
ونه طریقله منصور و مظفر اولور و ارواح
شهدا بفضل الله نینه و اصل اولور لر و باجمله
اهل غزاته متعلق نجه احکام و ادر در
قولا و فعلا و حالا بلوب عمل اتمسی لازم
اولانی مفید و مختصر بیان اولمشدر
همان الله سبحانه و تعالی خلوصه ظاهرًا
و باطنًا توجیهین توفیق روزی قلمش
اولا امین امین **فصل** جهات اولدک

الله تعالینک اعداسنی ورسولنه منکر
اولانی قهر و زجر اتمکدرو اهل ایمانک
مخالفی اولان کفارله محاربه و مقابله اتمکد
حتی ایمانه کلنجه و یا خود جزیه ویرمه رایض
اولا و بوجهاد و غزاست اسلامدند
یعنی مؤمنک شانندند رعد و الله ایله جنک
اتمک و بودخی ایکی نوع اوزره در، بری
جهاد فرض عیندر، و بری دخی جهاد فرض
کفایه در ^{اما} فرض عین اولدر که هرکشینک
اوزرینه لازمدر جهاد اتمک مثلاً بعض
مکسسه جنک اتمکله بعضندن ساقط اولما

ایمان کتورماک کبی و نماز لچون ابدست الملق
کبی و صوم و زکوة کبی و جنابتدن و حیضدن
و نفاسدن غسل اتمک کبی و غزای عامه
اهل اسلامه لازم اولمق کبی یعنی بر مؤمن
ایمان کتورمکله غیر مؤمنله کفایت اتمز
علی الا نفراده هر بری ایمان کتورماک کرکد
و غیری مثلاً لر دخی بویله در و بومعنایه کیم
انکار انشه کافر در نعوذ بالله و ترک ایدن
فاسقدر، اما اول جهاد فرض کفایت اکه
در لکه مثلاً بعضی جنک اتمکله بعضندن
ساقط اولور، رسول اکرمه صلی الله علیه و سلم

صلوة اتمك كى واقرب حمد ايدنه یرحمك
الله ديمك كى وميت نمازين قلمق كى وغيرها
وغرا عامه اهل اسلامه لازم اولمق كى
يعنى بر قاج كسنه ميت نمازين فلسه لرجيع
مؤمنلره اول ميتك نمازين لازم دكلد
غيزي مثاللى دخي بويله در و بو مذکور اولان
جهاد دين اسلام عمللر وك زياده بوجه
وعالى عمليدر عند الله تعالى و حديث شريفه
وارد اولديكه صباحن و يا خود اخشامه
بركسنه فى سبيل الله جهاد اتمك دنيان
ود نيانك اچنه اولان نعمتلردن خير لود

زيرا بوند اولانك جميعسى زائله در و اخرته
اولان نعمتلر باقيه در و بر حديث شريفه
دخي وارد اولديكه جميع ايلك عمللرى جهادك
قتل دكلد لاجر عمان اچنه بر كشينك
توكر مسنه بكرز يعنى جميع بنى ادماك خير
عمللرى بر توكر كه بكرز و محرمان ديدو
جهاد عملينك عظمى بياندر كه همان كات
جهاد دريا مثالدر توكر ك ياننده ديمكدر
و بر حديث شريفه دخي وارد اولديكه جميعا
قوللر وك عمللرى دكلدر فى سبيل الله مجاهدن
ايدنلر وك ياننده الاقر لنفوج مثلنه بكرز كه

دریادن بورینله صواله یعنی بنیاد مک
جهاد عملی دریا کبیدر قرلنقوجک دکردن
برکت برینله صواله مسنه نسبت پس آمدی
ای مؤمن قرنداش همان بوندن قیاس ایملکل
دین اسلام ایچون دروندن مجاهد اتمک
بنجه ثوبات عظمی و سعادت کبری در
و بر حدیث شریفه دخی کلدیکه جاهدوا
المشکرین باموالکم و انفسکم و السنتم
یعنی مشرکین ایله مجاهد ایلک مالکزه و نفسکرله
و دلکزه یعنی کافرن اوزرینه مالکزه
و نفسکرله مجاهد دن صکره دلکزه دخی

بد دعا ایلک خدلا نله و هزیمت ایله و قهر ایله
دیمکدر و مسلمین ایچون خیر دعا ایلک نصرت^{ایله}
و غنیمت ایله و فتوحات میسر ایلک ایله و غزایه
فادر اولانی حثایدوب قدر مغله دیمکدر
فصل مجاهد اولان جهاده ایله نیت
ایده که الله تعالینک دیننی نصرت ایچوندر غزایه
دیه و دخی لا اله الا الله محمد رسول الله
کلمه سنی اعلا اتمک اوله و باطل اعتقاد لوا
اولا نلری قهرایدوب ذلیل و حور و معجز
اولا و نفسنی رضاء الاله بذل اتمک نیت
ایده تحقیق رسول الله صلی الله علیه و آله

بر وقتہ سوال اولندیکہ افضل جہاد
نذر جواب ویردیکہ اول سنک اتک
سوکلیسی سکر لوب یارالنه و سزدن
قان روان اولوب فی سبیل الله شهید
اولاسین و دخی جہادک سنتند
کہ اولاکند و نفسیله مجاہد ایلیه الله
تعالینک طاعتند زیرالمجاهد من
جاهد نفسه و المهاجر من هجر الخطایا
دیوسفولدر فخر عالمدن صلی الله علیه وسلم
بعده غیر بیه مجاہد ایدوب محاربه ایلیه
نکیم رب العزت قراند بوردی فتوبوا الی

بارئکم فاقتلوا انفسکم حتی رسول الله صلی
الله علیه وسلم تبوی غزاسندن اصحابیله
کلورکن اصحابدن بعضی کان کر میت نفس
ایدوب عظیم غزاتک دیدی فخر عالم بوردی
رجعنا من الجهاد الا صغرا الی الجهاد الاکبر
یعنی کوچک غزادن دوندک بیوک غزایه
کیدرز دیکدر یار رسول الله بوندن بیوک
غزاندردیدیلر جواب بوردیکه طاعة الله
و مخالفة النفس و دخی غازیله لازم و مہدر
احبا و اصدقا سندن خیر دعائنا اید
واعدا سی و اریسه اندرله دخی ما بیند

اولان بغض و عداوتی یاد ایدوب هربری
عفواید لرو حقوق عباد دخی واریسه
اصحابیله ایدوب دار جزایه قومیه لر و
ستحلاله
صفای خاطر له شهود محضر لرنده وصیت اید
بتمامه و کماله و مفارقت وقتند باذن الله فی
امان الله اوله و اهل و اولاد نه سزی الله تقایه
اصمار لدم دیوب حسبی الله و نعم الوکیل دیه
زیرا الله تعالی انک امانتی اصاعت اتمروان دن
صکره حوالت با خدا کردیم و زقیم دیو عرف
مقصد اید. **فصل** سنتد ندرکه
اوق اتمغه تعلم اتمک کر کرد و آته بنوب

سلسله شور لوق اتمک لازمدر حتی حدیث شریفه
وارد در که تمعد دوا و احشوشنوا و اتضلوا
وامشوا خفاة عراة لتعتاد و اعلى ذاك فی
الغزوات یعنی سز بکزک تقلید اتمکله معد
قومنه زیرا انلر عیش و عشرتده قصداً مضاً بقه
اوزره کجنوب و زیب و زینتی چقار لر دی
و دخی بیجکده و کیه جکده خشونتی استعمال
اید لر دی دخی بریره کلوب اوق اشک
دخی یالین ایاق یوروک و جسمکر چیلوق
اولدوغنی حالده یور و کله بومذکور اولان
مختلر اوزر یکزه لازم کلر که واقع اولان

جهاد و غزاه و غيري بلا لوده معناد اولان
و دخی حدیث شریفه وارد در که تحقیق
الله تعالی براوقله اوج کشتی جنه قویر بری
اوق یا پاندر و ایکنجیسی تمرن بیان و او جیسی
فی سبیل الله غزایه اوق انا ندر حتی حدیث
شریفه وارد اولدیکه اوق اتک و اته بنک
یعنی اته بنوب انکی و اته محکم دور معنی
تعلم ایدوک اما بکا اته بنمزدن اوق
اتمکوزدخی سوکلودرد یو بیوردی
بو معناده داخلدر هر سنه که اعضا یله
اشلن و اریسه اوقدن غیری توفناک

اتمق کبی و قوش زنجیر اتمق کبی و کمن کور
اتمق کبی و عدونک اوزرینه مرزق اتمق کبی
و چنگال اتمق کبی و قونبره اتمق کبی و طاش
اتمق کبی و غیرها زیر ا حدیث شریفه وارد
اولدیکه بر کسنه اوق اتمغی او کرسنه کنه
بلدنصره او نوشته اول کشتی بزوم سنتمز
د و تمش دکلدرو اولحق تعالیدن اکه
بر نعمت ایدی اول نعمتی غفلت ایله اور توب
بلدی دیو بیوردی و حدیث شریفه کلر یکه
هر مسلمک اوینادوغنی باطلدرا لایای ایله
اوق اتمسی و اتنی او کرمسی و اهلایله ملا عبت

اتد وکی هج بونلرده بطلان یوقدره **زیرا**
بونلرلهو ولعب دکلدرو حرام دکلدرو بلکه
عندالله مأجور و مثاب اولور **فصل**
جهادک مستحبا اولانی بودر که غزایه و سفره
چقد قه خمیس کونی چقیم کر کدر و یا خود
اشنین کونی ریرا محمد مصطفی صلی الله علیه
وسلم یوم الخمیس ده چقیم سوردی تحقیق **توبه**
غزاسنه توجه اتد کن بو کونی اختیار اتمشد
اول سبیدن که اعمال عباد بو کونده درگاه
حقه رفعا اولنورین سورم که عمل صالح
بو کون درگاه حقه واره و سفره توجه

اتد و کمزده دیردی علی دن رضی الله مر ویدر که
سفره کتمک و نکاح قیمق محاق شهرده یعنی ایک
اوج اخرکی کونلرنده مذکور اولان عمللری مکروه
کورددی و دخی قمر برجی عقیده ایکن سفره
کتمک مسافر ثقیل کلور و دخی سفره چقد قه
اول نهارده چقه یعنی او یله دن اول اوله **باص**
دکله چقیم برکت و نجاه وارد یعنی ظفر
بالمقصود اولمغه علامتدر و حدیث شریفه
وارد اولدیکه چمن سزدن بریکر سفر اتمک
دلسه ایکی رکعت نماز قیله و آونه کلر وکی
زمانده کنه ایکی رکعت نماز قیله و چقد و غنی

زمانه منزلدن ديه آمنت بالله واعتصمت
بالله وتوكلت على الله ولا حول ولا قوة الا بالله
اللهم انى اعوذ بك من وعشاء السفر وكابته المنقلب
وسوء المنظر في الامل والمال اللهم انت الصا
في السفر والحليفة في الامل اللهم اطولنا
الارض وهون علينا السفر اللهم زودنى
التقوى واغفر لى ذنبى ووجهى للخير ايمنا
توجهت وقل يا ايها الكافرون اوقيه واذا
جاء نصر الله واخلص وقل اعوذ برب الفلق
وقل اعوذ برب الناس سور ه لرى اوقيه و
دخى وارد اولمش كه بر كسنه ايت الكرسى

10 منزلدن چقمر دن اول اوقسه كه باذن الله
ضرر تشميه وطنه كلينه اما چقمر دن اول
تصدق ايليه فقرايه اقل يدي مسكينه دك
بويله ايليك توجه يولد سلامتته سيدر
حتى فخر عالم دن مرويد ركه بر كسنه اون دن
چقد وعى زمانه ديسه بسم الله بر ملك كه
دير هديت وچن توكلت على الله ديسه كنه
اول ملك كه دير كفت وچن لا حول ولا قوة
الا بالله ديسه اول ملك كه دير وقت ابليس
عليه ما يسحق بو اسماء شريفى دين ادمك
ياندن چوب كيدر كن شيطان اخردخى اتفا

راست کلوب چینه در که چون ایرادک
اول آمدن دیو سوال ایدر اولد اخی جوا
ویر که قد کفی و هدی و و قی یعنی اول
کسینه الله تعالی کافی اولدی و هادی اولدی
وصا قلبی اولدی دیو مایوس و محروم
کدیله و بر کسینه انته بند که اسم الله
ذکر ایلیه و اندک کذلک و اول کسینه
اسم الله دیم که او نسته شیطان
انکه بیله ارد لشور و ایغن او زنگیه
قود قد بسم الله دیه و او سته او تورد
لحمد لله دیه و اتی یوریمک سبحان الله الی

سخننا هذا وما کماله مقربین وانا الی
ربنا سنقلبون وقت صلوة داخل اولدق
تاخیرا تمیوب ادا انکه سعی اید لر زیرا دین الله
انی ادا ایدوب بعد استراحت اید لر و نماز
جماعته قیله لر و لو علی طرف زج یعنی متضاه
یر اولوب مخوف دخی اولوسه دکلیوب منزله
اندوکی زمانه ایکی رکعت نماز قیله طریق
کسلی و الی کتمک اچون و بعد دیه اللهم انزلنی
منزلا مبارکا و انت خیر المنزلین اعود بالله من
الاسود من شر و الی و اولد اعود بکلمات الله
کلام من شر ما خلق و ذرأ و ما دامکه ات او ز شیه

قرآن عظیم تلاوتن این و انک اسبابه و کند و
مہمانتہ مشغول اولد چہ تسبیح و تہلیل این
و دعا چوق ایلیہ ما دامکہ رکوبدن خالیدر
ویکجه لد و کی منزلدن کوچد کم ایکی رکعت
نماز قلوب کید و اول وداع اتد و کی مکانہ
سلام ایدوب دیہ السلام علینا و علی عباد اللہ
زیرا هر بقعه نک اہلی وارد در ملکردن حفظ
و حراست ایدر لر رسول اللہ صلی اللہ علیہ وسلم
چن بریرہ عسکر یا بر بولک کوند رسہ اول
نہارده کوند رردی و غازی اولان کسنہ اللہ
تعالیدن ثواب طلب این طریقہ ہر بسنہ کہ

بنیادی صو تجیلرد نذر و دخی واقع اولان
شدتدن و زلتدن زیرا بومذکور اولانک
هر بر چون اجر و ثواب وارد کذک انک
ید و کی علف و اپچندن چغان روشی و بولی
قیامت کونند میرانہ قویوب داد تلور و انجہ
حسنات یازر لر و کذک او یوسی و او یا نقلحی
قیامت کونند صاحبہ ثواب یازلور و دخی حجاب
و غزایہ کتیمہ الا اهلذدن و اولادندن فارغ
اولمیخہ زیرا اولدینک خدمتی مقدمہر جہاد
اوزرینہ بلکه افضل جہاد دندر مکرکہ انلر و
خدمتن ایدر ادم اولہ اول وقت قیر فر و حدیش

شريفه وارد اولد يکه برکسنه في سبيل الله تعالى
جهاد ايدن غازيه معاونت ايشه اول کسنه
تحقيق غزا ايدن کسنه نك ثوابي ويرلور و بر
کسنه في سبيل الله غزايه کيدن غازينک
اهل بيته لازم اولان حوايجي ومصالحني
کور مک اچون نيت خيره اقامت ايشه تحقيق
اول کسنه غزا ايدن ثوابي ويرلور و دخی تعظيم
اولنه هر کسنه ي که غزايه کيد کيم اولور سه
اولسون و کنه بويله تعظيم اولنه غزاه خدمت
ايدن و يا خود انلر وک يا نجه کيدنه تجارت
اچون و يا غيري سببا اچون اوله حتی کلبلر نه

وقولر نه و صغر لر نه و آلر نه و قتر لر نه
و حار لر نه بيله تعظيم ايليه زير ابو مذکور
اولانک جمله سچون عند الله تعالى مکاني و حاکم
و مرتبه عاليه لری واردن با خصوص روایت
اول نور محمد مصطفی دن صلى الله عليه وسلم
خير لر بعلود زاتک النذک قیامت کوننه دک
يعنی دنياده و اخرتده اجر وارد رود نياده
غنیمت وارد زاتلر وک سببيله ديمکده
فصل و دخی غزای اولان کسنه نصرت
و فتح طلب ايليه فقر او صلحا دعاسينک
بر کتيله حتی مرویدر رسول الله دن که فتح

طلب ایدردی مهاجرین فقر اسینک دعای
برکاتیله ودخی دیردی اللهم انصرنا علی الاعداء
بحق عبادک المهاجرین ورسول الله ^{صلى}
عليه وسلم مرویدرکه استنروا بدعاء ضعفاءکم
هل تنصرون الا بدعاء ضعفاءکم یعنی ضعفانک
دعاسیله نصرت وفرصت طلب ایلک وسر
نصرت اولغازسکرا الا اهل اسلامدن اولان
فقرانک وصلحانک دعاسیله اولورسرت تکیم
رسول الله بویله ایدردی ^{صلى} الله علیه وسلم
ودخی بپورمشدرکه علیکم عباد الله باللّه ^{علاء}
وانتم موقنون بالاجابة ودخی سندرکه فی سبیل ^{الله}

نیته ات بسلمک اولدخی جهاد دنده ودخی
بر حدیث شریفه وارد اولدیکه اعدانک یوزنی
کورمکه تمنا ایلک لکن اعدانک یوزینه ملاقا
اشکوزیریکوزده ثابت قدم اولک یرندن
ایرلمازطاش کبی ورب العزتدن یرکرده ثبات
اولمکری استک ودخی الله تعالی بی چوق چوق
ذکر ایلک واکراعدا اوزریکره اوازاوروب
چاغر لر سه سز صامت اولوک اصحاب رضوان
الله تعالی علیهم اجمعین بویله ایدرلردی وچاغر ^{شغ}
مقاتله زمانده کریه کوررلردی واکراعدا
اهل اسلامی شیخون ایلسه اول وقتده اوازکوز

حم لا یضرون اولسون دیویور مشدر و دخی
غازی اولانه لاق اولدر که نفسنی منع ایلیه غزاده
عورتلرینی و اولاد و اموالین و وطن اکوب
انلره تحسراتکدن زیرا بونلری احق اول محلله
کشیه ضعف و فقور، و قتال و محاربه دن میل
و عبور و پیور، همان غازی نفسنی او مقامه
فی سبیل الله قاله نیت ایله و دنیا دن چقوب
دار اخرته کیده رز، جنتک شهدا منازله دیه
و باجمله غرض وطن اصلیه سنه مودت و لقاء^{الله}
توجه ایدوب محبت اوزره اولمقدر و قطره
دریا به اتصال، و کذوی ما سوادن انفصال

اتما

اتما اوله، دخی مسنون اولدر که چن بر قومی و
یا بر حصاری محاصر ایته لرا اسم الله یعنی کله
توحید دعوت اتدین مقاتله اتمیه لرا کافر بالله
اولانه اید لرا و اگر دین اسلامه دعوت اتد کد بضرکه
شهادت کله سین کتورب اشهدان لا اله الا الله
واشهدان محمد رسول الله دیوب اعتراف
اید لر سه جمیع ماللری و دملری و اهل عیالکری
بحسب الشرع مصوندر، و سرزوک اوزر یکونه
لازم اولان اللر وک اوزرینه دخی اجرا اولنور
فاما دین اسلامه داخل اولمقدن اعراض
ایدوب فحسه لر جزیه ویر که دعوت اولنه

واگر خراج گذار و ذمی اولوب مطیع اولورسه
اهل اسلامه ملاقات اندوکی زمانه انلیسه
اتدن انوب بیاق کچه و کرمسلم ایاغ اوزره
ویا او تور دکن کافر راست کلسه ایاغ اوزره
طورب سلام ویره و اگر بوندن دخی اعراض
ایدوب راضی اولماسه لرفقا تلوهم حتی بحکم
الله بیضکم وهو خیر لخاصمین یعنی مقاتله
ومحارب ایدوی حتی الله تعالی ما بینکری حکم
ایدنجه اول الله تعالی حاکم وک خیر لیسده
ولکن عورتلری و اوغلا نجقلری قتل اتمیه لر
الوب جاریه و قوللر ایدلر و جنکه قادر

اولیوب جنکه قندر میان قوجدلری دخی قتل
اتمیه لر و دخی حزنی اولان کافره دعوت
اسلامه مکتوب کوندرد وکی زمانه سنت
رسول الله صلی الله علیه وسلم اولدر که بوالو
اوزره یازوب کوندلر **اما بعد**
تحقیقا بز سرنی دین اسلامه دعوت ایدر
اگرانی اختیارا تمرسکر خراج ویرمکه راضی
اولوی اگر بوندن دخی امتناع ایدر سکر
تحقیقا بزوم عسکر میز وارد ر فی سبیل الله
مقاتله بی زیاده سور لر فارس قومی حمر
سود کلری کبی سلامت اولکشیه اولسونکیم

طریق هدی و زرنه تابع اولمش ^{لا}اولا و دخی ^سسوی
صلی الله علیه و سلم بیور مشد رکه ^للجین صباح و قتی
داخل اولسه بعد صلوة الفجر صبر اید ^للجناک ائمه
حتی کونش طوغنجه طوغد قد نصکره جنکه مباحث
اید لر نصف نهان دک وقت ظهری ادا اید و ب
و کونش حد استوادن زائل اولد قد نصکره
وقت عصره دک مقاتله اید لر و صلوة العصری
قلد قد نصکره کنه مقاتله ایلید لر و ^للجین رسول الله
صلی الله علیه و سلم بر شهرده مسجد کورسید یا اذان
اشته بر کسه قتل تمیوب مقاتله اید لر
شعار اسلامی تعظیما مقاتله وقتند بیله

رعایت اید و باظهار دین ایدردی **فصل**
امیر جیش اولان کسنه نک او زرنه لازمدر که
عسکرنه و قوسنه استمالت اید و باهل ایمانه
زیاده اعتبار و التفات اید ^للنکیم رسول الله صلی
علیه و سلم قتال و محاربه یه اصحابی قدر و ب
بویله ایدردی و عسکر دخی امیر لرینه خیانت
ایلکدن زیاده پرهیز ایدر که اول سببیه الله تعالی
کند و لرینه توفیق روزی قیلوب منصور و مظفر
اولا لر و بآذن الله بریری فتح ایشته لر اول دیار
برنی امام دکه لر و جفارد قلری اسیری و ما للری
کند و لره بذل و ایتار ایلید و باجمله هر کسه مقدر

رعایتدن و خوش دل اولمقدن غافل اولمیه
زیرا بویله ایلمک کدو یه محبت اتملرینه سبب
اولوب جنک محلندن حرب و قتاله زیاده اقدام
هجوم اتملرینه باعتد رحتی شرع شریف نبوی
وملت دین مصطفوی ایله غزوات مسلینی ترغیب
ایدوب فی نسبیل الله غازیکن عندالله نیه واک
اولمسینک ثوابی تعریف و تذکیر اینه ودخی دیکه
دین اسلام عالی و غالب اولمیچون کافروک
اوزرنه ان شاء الله تعالی شوپله کوشش اینه کم
ایکی جهانک خلقی یاننده یوز و مزاع و سومز
صاغ اولوب رسول الله صلی الله علیه وسلم حضور

سرسار

سرسار اولمیاوز مثلا افاق عالم جمله اوزریمزه
حمله انشه لرهمان برکشینک حمله سی کی تصور
ایدوب نور ایمان ظلمت کفره مقابلی اولور ان
الدین عندالله الاسلام دیوب قلبمزده اولان
ایمان و اعتقاد مز اوزره ثابت قدم دوروب
محلندن هرکشتی ارلیکن کویستره لوودخی دیکه
دنیا یه گن بهر حال اولماکه کلمشدر مصراع
یخشی آدیله اولن یکدر دری بد نامدن
علی الخصوص الموت باب لایدمن دخوله
فخواسنجه شهدایله شربت شهادت نصیب
اولوب رسول الله صلی الله علیه وسلم

غزاه شهید اولان اصحاب کرامک روح
مقد سلریله بیله حشر اولوب ابد اولیه وز
نه سعادتدر **نتکیم رب العزت قران عظیمه**
خبر و یردی ولا تقولوا لمن یقتل فی سبیل الله
اموات بل احياء ولاکن لا تشعرون، همان
مومن شهید اولدوغی برله فی الحال جنته
کیدوب قیامتہ د کین تنعم اولور و استدر
مؤمنینی الله تعالی شفاعتاید بیلدر، و
شفاعتلری دخی مقبوله در، و دخی دیه که
اگر بد غزدرن فان روان اولدقد بر طامه
یره **دو شجک** اشهدان لا اله الا الله و

لکن

اشهدان محمد رسول الله شهدا تین کلمه سی
زمین واسمانه یازلسون د یوناسک قلوبنه صدقا
استیناس رباحد ورعبت محبت احمد بی صلی الله
علیه وسلم القاوا غرا اتکدن خالی وغائب اولیه
وقلبندن وسواس شیطانی دفع ایدوب
بوایت کریمه اوقیه، قل لن یصیبنا الا ما کتب
الله لنا هو مولا نا و علی الله فلیتوکل المؤمنون،
دیه، و رسول اکرم دن منقولدر که لا اله الا الله
وحد صدق و عد و نصر عبد و اعز جنک
وهزم الاحزاب و حدک ولا شیء بعدک اعوذ
بکلمات الله التامه کلها من شر ما خلق و ذرأیه

وایکی صف مقابل و لیجوق حرب و قتال و قنده
حاجلر قبول و لیجوق و قدر غفلت اولنیه و بو
اسم اعطی او قیوب اعدا جانبنه اوفور و الیه
یر جانبنه اشارت این محمد دن صلی الله علیه وسلم
منقولدر که بروقت بریکید دیدی ای یکت سکا
تعلیم ایدمی کلمه لکه انوک سبیله سکا فائده
ایرشته ابتدی بلی و محمد صلی الله علیه وسلم
ددی سن الله تعالی بی صاقله الله تعالی دخی سنی
صاقلسون و سن الله تعالی بر عایت الیه الله تعالی
او کو کم بوله سن و دخی سن الله تعالی بی سرور کن
الشی سنی دخی الله تعالی شدت و قنده که فچن

سن الله تعالی دن برسنه طلب اشک استه سن
الله دن و فچن سن الله دن معاونت استه سک
استه سن الله دن ای یکت تحقیق قلم الهی یار مشد
هر نه که اوله جقدر دیندن و دنیا دن اگر جمیع
خلق سکا برسنه نفعلندر مک دله سلر
سکا انی تقدیر اتمه مش اوله نفعنه قادر
اوله مازلر و اگر جمیع خلق سکا برسنه ایله
ضرریشدر مک دله سلر انی سنک اوزر که
یارمه مشدر ضرر قادر اولمازلر و بونی دخی
بو یله بیله که کشتی قور فمق ایله اجلی تأخیر اولماز
و اقدام اتمک ایله اجلی تیز کلن ^{کلن} بهر حال خود دنیا

انتقال اتمك واجدر که زیرا الموت تحفة
المؤمن بیورمشدر، آمدی شول کمنه که سبأ
سعادتی کند و به اعداد ایدوب بویله مقامه
عیرت دین اوزره شهدا زمره سیله حشاوله
مراتب علیه دندر، نتکیم رسول الله صلی الله علیه وسلم
بیورمشدر، لجنة تحت ظلال السیوف
وبربرده دخی بیورمشدر، السیوف مفاح
لجنة وبرمقامه دخی بیورمشدر اشرف
الموت قتل الشهداء، لاجرم دین اسلام
اوزرنه غیورا ولوب مردم مرد اولالر، و
بویله مردان اولا نلروای حقنه نظم اتمشدر،

نظم ان نه من باشم که روز جنک بینی پشت من
، ، وان منم کاندیر میا خاک خون بینی سری
کانک جنک آرد بجون خویش باری میکند ،
روز میدان وانکه بگریزد بجون لشکری ،
فصل اهل اسلامک غزاسی ثواب
جهتدن عملک ذر و علیا سندن اولان
عملدر، ودخی غازی اولانه لازم ومهدر که
مقاتله زمانه حیوانات اصنافک صفتلر
موصوف اولالر، اولا غار نیک قلبی ارسلان
قلبی کبی اولوب تورقوب قاجمیه ودخی قیلان
کبی بکو کلنجی اولوب عدوسنه تواضع اتمیر،

ودخی شجاعند ایوکی اولوب جمیع اعضا^سله
مقاتله ایلیه. ودخی حمله اندوکی اندوکی زمانه
خنزیر حمله سی کی اولوب اصل اردنی دوند^{مه}
ودخی غارت ویغما اندوکی زمانه قوردکی
اولا فچن برجا بندن مایوس اولسه جانب
اخر دن واره ودخی اغر سلاح و یاراق
کو تور مکن ضعیف قریحه کی اولا که پنجه
کندونک مقدار پنجه کو تورر ودخی برند
ثابت اولمقد حجر الصلت کی کندو کدو کند
ایرلمیه. ودخی صبر اتمکن حمار کی اولا. و فچن
اوق دمر نلری باشه و قجلرا اور شتمقد

یاره لنوب و کوند لر دورد و رتشمکن و عهدنه
وفا اتمکن کلب کی اولا. اگر سیدی اتمکن
اچنه داخل اولور سه ارد پنجه تابع اولوب
ایرلمیه. ودخی فرصت و ظفر طلب اتمکن کلب
حروس کی اولا و دخی صفا اولد ساکن دوه
الله تعالی دن قورقان مصلی کی و ما مؤمر
صلوتنه امانه تابع اولور کی و نفسنی
سلاحله شویله ستر ایلیه که قز کندونی استبا^{سل}
کردک زمانه اور تکی کی. ودخی مکر و حیله
عدو غالب اولد و غنده کلپی تلکی الداد و عی کی
اولا. زیرا رسول اکرم صلی الله علیه و سلم الحرب حیله

دیو بیور مشدر، ودخی افتخار و تکبر اتکه
ایکی صفک ما بیند عروس کی صالنه و
دخی چاپک و خفیف اولوب سرکه ده
بر جانبدن بر جانبه یتشکل او غلابخو کی
اولا، ودخی عدونک اوزرینه حیردقده
شدت ایله کور کور کی اولا ودخی هر جانبدن
احتراز اتکه الاجد قرغه کی اولا ودخی
نفسنی صاقلقدن طورنه کی اولا، وعسکره
امام اولان کشتی زیاده بهادر اولان کمنه
صف اولده قویه، ایکنی صفده دخی اشغه
اولانی قویه واندن جنک احوالی ایوبلنی واندن

دخی اشغه اولانی قویه و امر اینه که هر قومک
اوزرنه بر امیرد کوب اندر وای حاکمی اولار، و
دخی هر مؤمنه و اجدر که او یله وقعده
حاضر اولار که لازم کلیمک فی الحال تا خیر
اتم یوب چیه لر **فصل** غزات اهلی فی
سبیل الله شهادتی عنیت عظیمه اکیه و نعمت
جسیمه بیله من عند الله ورسوله زیر اعباد الله
بومرتبه کرامت جلیله ودرجه رفیعه در،
نچه لروارد که بومقامه تحسرا دیدوب الله
کیر فرزندامت اوزره قالمشدر و دخی حدیث
شریفه وارد اولدیکه شهید اولان المقتلی

دو میز لر، همان انجق سرزدن بر یکری قرنجه نك
اصرمسی کبی دو پرو دخی حدیث شریفه
وارد اولدیکه شهید اولان هر میت عملیه
ختم اولور الا شول کمسنه که فی سبیل الله
غزاده شهید اولان، انک عملی منقطع اولماز
زیرا انک عملی قیامت کوننه دای زیاده اولمقد^{در}
قند منقطع اولمق اولور، جندا اول کشتیره که
بو عمل انلر مهسیر اولمش اولان و دخی فیتة قبردن
امین اولور لر، و دخی حدیث شریفه وارد
اولدیکه شهدا نك روحلری بيشيل قوشلر^ک
قور صقلرنن در استدوکی یرلرده جنتلر

او تلیوب کز لر، حتی حکایت اولنور ابن الفکار
لحموی المصری شیخ عمر دن الله تعالی اندت
راضی اولسون ایدر که بر مکانه واقع اولدوق
اتفاق بر جان نمازین قلمق لازم اولدی اولیاء
الهدن بر کمسنه بمله بیله وار ای کمزدن عیزی
بنی ادم انده یوق پس اول ایتدی بکای عمر ایلو
کل که بو جنازه نك نمازین قیله لوم ایلو واردم
و نظر اتمک بیر ایله کویک اراسندن بيشيل واق
قوشلر بزملاه بیله نماز قیلور لر چون نمازدن
فارغ اولدوق بيشيل عظیم الخلقه قوش اول
قوشلر وک ایچندن اشاغه اندی و تابوتک

التي بآينه قوندى، واول يا بوتي يوتوب
سائر قوشلره فارسوب كدى وجملاه سى
تسبيح ايدى رك اوچد يلىر، تا نظر ميردن غائب
اولد يلىر بن اول حالدن تعجب اتم اول ولى
ايتدى يا عمر اشتمد كى كه ان ارواح الشهداء
فى جوف طير خضر تسير من لجنه حيث
شاءت هم شهداء السيوف، واما شهداء
المحبة فلهم اجسادهم وارواحهم فى جوف
طير خضر وهذا الرجل منهم يا عمر پس امدى
يا اخى بو واقع اولان نقتل عالم شهدادته
اوليحق عالم ملكوته اولمسي خود بالطريق الكو

اولغه دليلده، يسرنا الله واليكم وجميع المحبين
ودخى حديث شريفك بعضنه كلمشدر كه ارواح
شهداء عرش اللهدن اصلمش التوندن قنديل اچندن
مكاملرى وارد رو بعض حديثه وارد اولديكه
اهل جنتدن بر كمسنه استمزالا شهيدا اولان
رجا ايدىر كه بردخى دنيايه واروب كنه فى
سبيل الله شهيدا اولسم د ير لركند ولرينه بيجد
ويرد كلرى فضيلتى كورد كلر چون امدى هر مومن
شهادتى متصل طلب اتمكدن خالى اولماز لرو د خ
حديث شريفه وارد اولمشدر كه بر كمسنه
شهادتى الله تعالى دن طلب اتميدى صدق نيت

وخلوص طويت ايله تحقيق حق تعالى اول كيشي شهدا
منازلنه يتشد ورزا كرد وشكى بچند دخی اولور^{سه}
فاما شهداء المحبة فاجسادهم ارواح كاروا حهم
يعنى اول ذات واجبا لوجودك محبتى اوزرينه
روحلرين بدل ايدوب شهيدا اولنلرد ريس
امدى انلر وك جسدلرى بيله روح اولمشدر
روحلرى كى زيرا اول حقيقت واحد به وصول
عشق و محبت ايله بولور يول بهر حال اول مطلبه
وصول قتل اقتضا ايلر كه انانيت و تعين رفع اوله
واول عالم فنا در بلكه حقيقتده عالم بقا
اولدر و قتل دخی ديت اقتضا ايلر و مقتولك

ديتى اولماز الا قائل حقيقى اوزرينه اولور يعنى
اتصال جمال ياردر، نكيم بر حديث شريفه
واقعدر كه صوم بنوم اچوندر و دخی كه عوض
بن اولورم ددى، يعنى بنم جمال باكمالله مشرف
اولوب حيات ابدى و سعادت سرمدى به
مصادف اولورلر زيراد نيا به كلوب حقيقكى
بلك ايله مأمور اولمقدن مراد دخی بو ايدى
اولدى حتى بيورديلر كه سخاوة الروح غزاته
مخصوصدر، روحى ويرد يلر حيات باقيه به
ايرد يلر كما قال الله تعالى ولا تحسبن الذين قتلوا
فى سبيل الله اموات بل احياء بو معنايه رب الغت

جل جلاله اشارت بيوردي، ومن خرج من بيته
مهاجرا الى الله ورسوله ثم يدركه الموت فقد
وقع اجره على الله، الاله، وصل اللهم وبارك
على سيدنا محمد وعلى اله وصحبه ولسائر المؤمنين
اجمعين، برحمتك يا ارحم الراحمين، ولحمد لله
رب العالمين، واحفظنا وارحمنا واختم لنا
بالخير، فالله خير حافظا وهو ارحم الراحمين،
امين، امين، امين.

جزها الحقر الداعي الخمر
السبح بالي الواعظ وما دم
الفقراء در حد رحانه